



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: **UP-I/25-3-40-329-6/13**
Datum: **11.09.2013. god.**

«Agencija za vodno područje rijeke Save» Sarajevo rješavajući po zahtjevu JP „Elektroprivreda BiH“, Podružnica Elektrodistribucija Bihać broj 32-14711/2013 od 14.05.2013. godine za produženje vodne dozvole za postojeći hidroenergetski objekat mala hidroelektrana „Bihać“ na području općine Bihać na osnovu člana 109. stav 1. tačka 6, člana 139. stav 1. tačka 7. Zakona o vodama («Službene novine Federacije BiH», broj 70/06), i člana 200. Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E **o vodnoj dozvoli**

1. Odobrava se produženje vodne dozvole JP Elektroprivreda BiH - podružnica Elektrodistribucija Bihać za korištenje voda za proizvodnju električne energije na postojećem objektu mala hidroelektrana „Bihać“.
2. Vodna dozvola se produžava na osnovu dostavljene dokumentacije, utvrđenog činjeničnog stanja prilikom vršenja uviđaja na licu mjesta tehničke i ostale dokumentacije dostavljene od strane Investitora i utvrđenog javnog interesa uz slijedeće uslove:
 - 2.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 2.2. Da se u vremenu trajanja ove dozvole obezbjedi od strane korisnika kontinuirano evidentiranje količina zahvaćene vode putem automatiziranog hidrološkog monitoringa koji se provodi na mjernom profilu na izlazu iz difuzora, te da se mjerno mjesto poveže u automatski sistem hidrološkog monitoringa AVP Sava.
 - 2.3. Da se upravljanje i manipulacija hidromehaničkom opremom hidroelektrane vrši u skladu sa odredbama i opisima datim u „Planu pogona i održavanja“ u skladu sa odredbama Pravilnika o minimumu sadržaja općeg akta o održavanju, korištenju i promatranju vodoprivrednih objekata za izdavanje vodne dozvole za pogon MHE „Bihać“, te da se objekti MHE „Bihać“ - Bihać održavaju, koriste i osmatraju u skladu sa ovim aktom.
 - 2.4. U toku važenja dozvole vršiti tehničko osmatranje objekta i okolnog terena MHE „Bihać“ - Bihać te da se sva značajna opažanja interpretiraju u skladu sa važećim propisima.
 - 2.5. U toku važenja dozvole realizirati odgovarajuće rješenje sa turbinskim i generatorskim „eko ležajevima“ od novih, savremenih materijala, čije se hlađenje vrši vodom, a ne uljima kao što je trenutna situacija.
 - 2.6. Da se vodi dnevnik rada o svim manipulacijama i pojavama koje se dešavaju na objektima.

- 2.7. Da se trajno čuva sva raspoloživa dokumentacija i na zahtjev nadležnih organa iz sektora voda, stavi na uvid.
 - 2.8. Da se u slučaju pojave vanrednih situacija i prirodnih nesreća (incidentna zagađenja, rušenja obala, ekstremno velike vode, ekstremne suše i dr.) postupa prema uputama definiranim u „Planu pogona i održavanja u skladu sa odredbama Pravilnika o minimumu sadržaja općeg akta o održavanju, korištenju i promatranju vodoprivrednih objekata za izdavanje vodne dozvole za pogon MHE „Bihać“ - Bihać.
 - 2.9. Da se spriječi nekontrolisano ispuštanje kanizacionih voda pravnih subjekata i privatnih korisnika koji svoje otpadne vode disponiraju direktno u kanal.
 - 2.10. Da vrši redovno vođenje mjesečnih izvještaja o količinama iskorištene vode za proizvodnju električne energije – „PEE obrasca“ i da se vrši redovito obračunavanje i plaćanje posebne vodne naknade za iskorištavanje vode u skladu sa važećim propisima.
3. Prava na korištenje voda stečena po ovoj vodnoj dozvoli ne mogu se prenositi na druga pravna ili fizička lica.
 4. Ukoliko radom hidroenergetskog objekta MHE „Bihać“ - Bihać, dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od **5 (pet) godina** od dana izdavanja ovog rješenja, odnosno ova vodna dozvola vrijedi do **11.09.2018. godine**.
 7. Prije isteka važnosti ove dozvole Korisnik je dužan da zatraži njeno produženje ili podnese zahtjev za izdavanje nove vodne dozvole.

O b r a z l o ž e n j e

JP „Elektroprivreda BiH“, Podružnica Elektrodistribucija Bihać svojim aktom broj 32-14711/13 od 14.05.2013. godine ztražila je produženje vodne dozvole za korištenje voda za postojeći hidroenergetski objekat MHE „Bihać“ u Bihaću.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o registraciji, izdanog od strane Općinskog suda u Sarajevu, broj 065-0-Reg-12-001872, dana 22.05.2012. godine,
- Obavještenje o razvrstavanju dijelova pravnog lica prema klasifikaciji djelatnosti za JP „Elektroprivreda BiH“, Podružnica Elektrodistribucija Bihać – Služba za statistiku za područje Kantona Sarajevo, broj 07-32.5-17488/12 od 23.02.2012.,
- Ovjerena kopija Uvjerenja o poreznoj registraciji, izdanog dana 30.08.2005. godine, od strane Federalnog ministarstva finansija, Porezne uprave – Knatonalni ured Sarajevo,
- Ovjerena kopija Uvjerenja o registraciji obveznika indirektnih poreza, broj: 04/1-UPP/1-7160/07, izdanog dana 01.08.2007. godine od strane Uprave za indirektno – neizravno oporezivanje Banjaluka,
- Dokaz o uplaćenju upravnoj i administrativnoj taksi na zahtjev

Nakon pregleda dostavljene dokumentacije, u skladu sa članom 21. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 06/08, 57/09, 72/09 i 68/12), izvršen je obilazak predmetnog poslovnog objekta i tom prilikom je sačinjen Zapisnik o uviđaju broj: UP-I/25-3-40-329-5/13 od 02.09.2013. godine.

U postupku rješavanja utvrđene su slijedeće nesporne činjenice:

MHE „Bihać“ u Bihaću je protočna derivaciona mala hidroelektrana koja nema mogućnost izravnjanja proticaja.

Ovo hidroenergetsko postrojenje je izgrađeno 1911. godine i sastoji se od više objekata od kojih je prvi betonski prag (pregrada) u koritu r. Une koji usmjerava vodu prema ulaznoj građevini derivacionog dovodnog kanala na lijevoj obali. Betonski prag je dužine 70 m, širine u kruni oko 1,0 m i visine 1,5 m. Na prelivnom pragu, neposredno prije ulazne građevine nalazi se rasteretni (zaobilazni) kanal snabdjeven tablastim zatvaračem. Rasteretni kanal služi za odvođenje viška vode u slučaju pojave većih proticaja. Ulazna građevina dovodnog kanala snabdjevena je sa tri tablasta zatvarača. Dovodni kanal je otvoreni kanal sa gravitacionim tečenjem dužine oko 1000 m. Profil kanala je trapezni širine u dnu 4,0 m, obloga kanala je betonska. Pred straojarom se nalazi otvorena vodna komora sa centralnim tablastim zatvaračem sa kojim se vrši regulacija nivoa u vodnoj komori i preko koga se vrši ispiranje nanosa u komori. Vodna komora ujedno vrši funkciju vodostana u situacijama nagle promjene režima rada elektrane. U strojari su smještena dva turbinska postrojenja. Jedna turbina nije u radu i služi kao muzejski primjerak, a druga je rekonstruisana (zamjenjena novom) snage 160 kw. Instalirani protok hidroelektrane je 9,0 m³/s. Iskorištena voda se preko difuzorskog izlaza ispušta u r. Unu.

Podnosiocu akta je izdana vodna dozvola 18.08.2008. i važila je pet godina.

U postupku rješavanja kao neosporno, utvrdilo se slijedeće:

Korisnik, JP „Elektroprivreda BiH“, Podružnica Elektrodistribucija Bihać je zahtjev za produženje vodne dozvole podnesen u roku.

Tačkom 2. dispozitiva rješenja postavljeni su uslovi pod kojima se izdaje ova vodna dozvola u skladu sa odredbama člana 116. stav 1. Zakona o vodama.

Tačkom 2.1. dispozitiva rješenja postavljeni su uslovi iz člana 22. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 6/08, 57/09, 72/09 i 68/12).

Tačkom 2.2. dispozitiva rješenja postavljeni su uslovi iz člana 50. Zakona o vodama.

Tačkom 2.3. dispozitiva rješenja postavljeni su uslovi iz člana 50. Zakona o vodama.

Tačkom 2.4. dispozitiva rješenja postavljeni su uslovi iz člana 21. stav (2) tačka 5 Pravilnika o sadržaju, obliku, uslovima, načinu izdavanja i čuvanja vodnih akata..

Tačkom 2.5. dispozitiva rješenja predviđena je obaveza podnosiocu zahtjeva u skladu sa odredbama čl. 20. stav 1 Zakona o vodama

Tačkom 2.6. dispozitiva rješenja postavljena je obaveza podnosiocu zahtjeva u skladu sa odredbama člana 21. stav 2. tačka 5. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.7. dispozitiva rješenja postavljena je obaveza podnosiocu zahtjeva u skladu sa odredbama člana 32. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.8. dispozitiva rješenja postavljena je obaveza podnosiocu zahtjeva u skladu sa odredbama člana 21. stav 2. tačka 5. Pravilnika o sadržaju, obliku, uslovima, načinu izdavanja i čuvanja vodnih akata.

Tačkom 2.9. dispozitiva rješenja postavljena je obaveza podnosiocu zahtjeva u skladu sa odredbama čl. 20. stav 1 tačka 5 Zakona o vodama

Tačkom 2.10. dispozitiva rješenja postavljena je obaveza podnosiocu zahtjeva u skladu sa odredbama člana III stav C tačka 28. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće vodne naknade i posebnih vodnih naknada („Službene novine FBiH“ br. 92/07).

Tačkom 3. dispozitiva predviđena je zabrana u skladu sa članom 117 stav 2. Zakona o vodama.

Tačkom 4. dispozitiva rješenja predviđena je obaveza podnosiocu zahtjeva u skladu sa odredbama čl. 94. stav 3 Zakona o vodama, te obaveza da ukoliko zbog korištenja voda za rad objekta i postrojenja MHE „Bihać“ u Bihaću dođe do poremećaja ili promjene režima voda, a to prouzrokuje štete ma kakvog karaktera, da se štete otkloni i nastale štete nadoknade.

Tačkom 5. dispozitiva rješenja predviđena je obaveza podnosiocu zahtjeva u skladu sa odredbama čl. 20. stav 1 Zakona o vodama.

Tačkom 6. dispozitiva je propisana u skladu sa članom 117. stav 1. Zakona o vodama.

Tačkom 7. dispozitiva je propisan je uslov u skladu sa članom 118. stav 3 Zakona o vodama.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Haris Ališehović, dipl.inž. građ.

Po ovlaštenju

Rukovodilac Sektora za izdavanje vodnih akata

Haris Ališehović, dipl.inž.građ.

Dostaviti:

- JP Elektroprivreda BiH Podružnica Elektrodistribucija Bihać
Bosanska 25, Bihać
- Federalna uprava za inspekcijske poslove, vodna inspekcija
- AVP Sava, ISV – Vodna knjiga
- Sektor 50
- Sektor 40, arhiva